

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 94/35

ք.Երևան

15 դեկտեմբերի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ իրավաբանական վարչության պետի Վարչական իրավախախտման գործի վերաբերյալ 03.11.2023թ. թիվ 634951/18 որոշման դեմ «ԼՈՌԻ ՌԵՆԵՍԱՆՍ ԲԱՐԵԳՈՐԾԱԿԱՆ» ՀԿ (ՀՎՀՀ՝ 06949715) նախագահ Նորայր Բլուդյանի դիմում-բողոքը՝

ՊԱՐԶԵՑ

1. Բողոքարկման առարկան, դիմում-բողոքով բերված փաստարկները և ներկայացված պահանջները

«ԼՈՌԻ ՌԵՆԵՍԱՆՍ ԲԱՐԵԳՈՐԾԱԿԱՆ» բարեգործական ՀԿ-ի նախագահ Նորայր Բլուդյանի (այսուհետ նաև՝ բողոքաբեր) դիմում-բողոքում մասնավորապես նշվում է, որ «ԼՈՌԻ ՌԵՆԵՍԱՆՍ ԲԱՐԵԳՈՐԾԱԿԱՆ» ՀԿ-ի նախագահ Նորայր Բլուդյանը չի ստացել ՀՀ ՊԵԿ իրավաբանական վարչության պետի 10.07.2023թ.-ի թիվ 617119/18 որոշմամբ կիրաված նախազգուշացման նամակը, չի ծանուցվել ոչ թղթային, ոչ էլեկտրոնային տարբերակով, տեղեկացված չի եղել հաշվետվության մեջ առկա անհամապատասխանության մասին, այդ է պատճառը, որ ծանուցման մեջ նշված ժամկետում հաշվետվությունը չի ճշգրտվել և Նորայր Բլուդյանը չի ներկայացել ՊԵԿ գրասենյակ և առկա չէ բացատրություն:

Նշվում է նաև, որ ՀՀ ՊԵԿ իրավաբանական վարչության թիվ 634951/18 որոշումը ուղարկվել է kalashyan_l@mail.ru գործող էլեկտրոնային փոստին, իսկ ՀՀ ՊԵԿ իրավաբանական վարչության պետի 10.07.2023թ. թիվ 617119/18 որոշմամբ կիրառված նախազգուշացման նամակը՝ ոչ:

Հաշվի առնելով, վերը նշվածը և այն, որ ՀԿ-ն գործունեություն չի ծավալել և այժմ էլ չի ծավալում, բողոքաբերը խնդրում է Նորայր Բլուդյանի նկատմամբ չկիրառել վարչական տույժ և ազատել 50 000 դրամի չավտվ տուգանքից:

2. Դիմում-բողոքի քննության համար էական նշանակություն ունեցող փաստերը

ՀՀ ՊԵԿ իրավաբանական վարչության պետի Վարչական իրավախախտման գործի վերաբերյալ 03.11.2023թ.-ի թիվ 634951/18 որոշմամբ (այսուհետ նաև՝ Որոշում) մասնավորապես արձանագրվել է.

ՀՀ ՊԵԿ իրավաբանական վարչության պետը, ՀՀ ՊԵԿ իրավաբանական վարչության պետը, ուսումնասիրելով 01.11.2023թ. թիվ 634951 վարչական իրավախախտման վերաբերյալ արձանագրությունը, քննելով թիվ 634951 վարույթը և կից նյութերը՝ պարզել է, որ «ԼՈՌԻ ՌԵՆԵՍԱՆՍ ԲԱՐԵԳՈՐԾԱԿԱՆ» ՀԿ նախագահ Նորայր Բլուդյանը (ՀՎՀՀ՝ 06949715),

«Հասարակական կազմակերպությունների մասին» ՀՀ օրենքի 24-րդ հոդվածով սահմանված ժամկետում թերի է հրապարակել Կազմակերպության 2022 թվականի գործունեության տարեկան հաշվետվությունը /Կազմակերպության հիմնադիրները դրա պետական գրանցումից հետո օրենքի ուժով համարվում են Կազմակերպության անդամներ ինչի արդյունքում Կազմակերպության, անդամների թիվը 2-ից պակաս լինել չի կարող, մինչդեռ հաշվետվության 4-րդ կետում հասարակական կազմակերպության անդամների թիվը բացակայում է/, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.26 հոդվածով:

Արդյունքում, ՀՀ ՊԵԿ իրավաբանական վարչության պետի 10.07.2023թ. թիվ 617119/18 որոշմամբ Նորայր Բլուդյանի նկատմամբ կիրառվել է նախազգուշացում: Նորայր Բլուդյանի կողմից Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասի պահանջները 30 օրվա ընթացքում չկատարելու համար Վարչական իրավախախտումների վերաբերյալ ՀՀ օրենսգրքի 169.26 հոդվածի 2-րդ մասի հարուցվել է վարչական վարույթ:

Կողմը էլեկտրոնային փոստի միջոցով ծանուցված լինելով չի ներկայացել: Գործում առկա չի առարկություն կամ բացատրություն:

Նկատի ունենալով, որ արարքը նախատեսված է Վարչական իրավախախտումներ վերաբերյալ ՀՀ օրենսգրքի 169.26 հոդվածի 2-րդ մասով, ուստի ղեկավարվելով Վարչակա իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 21 հոդվածներով և 282 հոդվածի 1-ին մասի 1-ին կետով՝ Նորայր Բլուդյանի նկատմամբ կիրառվել է վարչական տույժ՝ նշանակվել է տուգանք՝ 50.000 /հիսուն հազար/ դրամի չափով՝ համաձայն Վարչական իրավախախտումների վերաբերյալ օրենսգրքի 169.26 հոդվա 2-րդ մասի:

3. Բողոքարկման առարկային վերաբերվող իրավական կարգավորումներ և եզրահանգումներ

«Հասարակական կազմակերպությունների մասին» ՀՀ օրենքի 24-րդ հոդվածի 2-րդ մասի համաձայն՝ Կազմակերպության գործունեության տարեկան հաշվետվությունը ներառում է հետևյալ տեղեկատվությունը.

1) Կազմակերպության լրիվ անվանումը, հարկ վճարողի հաշվառման համարը (<ՎՀՀ>), գտնվելու վայրը (ենթակա է հրապարակման կազմակերպության կողմից համապատասխան նշման դեպքում), պետական գրանցման համարը, տարին, ամիսը, ամսաթիվը, հեռախոսահամարը, էլեկտրոնային փոստը և պաշտոնական ինտերնետային կայքը (առկայության դեպքում).

2) գործադիր մարմնի ղեկավարի անունը և պաշտոնը.

3) կանոնադրությամբ սահմանված գործունեության առարկան և նպատակները.

4) Կազմակերպության անդամների (հաշվետու տարվա դեկտեմբերի 31-ի դրությամբ), ինչպես նաև այն կամավորների (հաշվետու տարվա ընթացքում) թիվը, որոնց աշխատանքի տևողությունը գերազանցում է շաբաթական 20 ժամը.

5) հաշվետու տարվա ընթացքում գումարված ժողովների քանակը.

6) հաշվետու տարվա ընթացքում իրականացված ծրագրերի անվանումը և համառոտ նկարագրությունը (վայր, նպատակ, կարգավիճակ).

7) տարեկան մուտքերի (դրամական և (կամ) գույքային) ընդհանուր գումարը.

8) օգտագործված դրամական միջոցները և (կամ) շարժական, անշարժ գույքը.

9) հաշվետու տարվա ընթացքում Կազմակերպության կողմից ձեռնարկատիրական գործունեություն իրականացնելու տեսակի և դրա արդյունքում ստացված շահույթի օգտագործման վերաբերյալ տեղեկատվությունը:

Նույն հոդվածի 3-րդ մասի համաձայն՝ այն Կազմակերպությունները, որոնց գույքի ստացման աղբյուրը հաշվետու տարվա ընթացքում հանդիսացել են հանրային միջոցները (պետական կամ համայնքային միջոցները), ապա նրանց գործունեության տարեկան հաշվետվություններում սույն հոդվածի 2-րդ մասով նախատեսված տեղեկատվությունից բացի, ներառում է՝

1) հանրային դրամական միջոցներով իրականացվող ծրագրի անվանումն ու վայրը, ծրագրի կարգավիճակը (ավարտված կամ ընթացքի մեջ) և տեղեկատվություն դրանց մասին (նպատակ, հիմնական արդյունքներ)։

2) հանրային դրամական միջոցների տարեկան մուտքերի (դրամական և (կամ) գույքային) ընդհանուր գումարը՝ ըստ ստացման աղբյուրների։

3) հանրային դրամական միջոցների և (կամ) տրամադրված գույքի օգտագործումը, ծախսերը:

Իր հերթին, «Վարչական իրավախախտումների վերաբերյալ» ՀՀ օրենսգրքի 169.26-րդ հոդվածի համաձայն՝

Հիմնադրամների կողմից հաշվետվությունը թերի հրապարակելը կամ օրենքով սահմանված կարգով և ժամկետներում հիմնադրամների կողմից հաշվետվությունը չհրապարակելը՝ առաջացնում է նախազգուշացում հիմնադրամների պաշտոնատար անձանց նկատմամբ:

«Հասարակական կազմակերպությունների մասին» Հայաստանի Հանրապետության օրենքով նախատեսված պարտադիր հրապարակման ենթակա հաշվետվությունը թերի հրապարակելը, օրենքով սահմանված կարգով և ժամկետներում չհրապարակելը առաջացնում են նախազգուշացում հասարակական կազմակերպության իրավասու պաշտոնատար անձանց նկատմամբ:

Օրենքով սահմանված կարգով նախազգուշացվելուց հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության կառավարությանն առընթեր պետական եկամուտների կոմիտեի պահանջը չկատարելը՝ առաջացնում է տուգանքի նշանակում՝ հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:...

Տվյալ դեպքում, «ԼՈՌԻ ՌԵՆԵՍԱՆՍ ԲԱՐԵԳՈՐԾԱԿԱՆ» ՀԿ նախագահ Նորայր Բլուդյանի կողմից «Հասարակական կազմակերպությունների մասին» ՀՀ օրենքի 24-րդ հոդվածով սահմանված ժամկետում թերի է հրապարակել Կազմակերպության 2022 թվականի գործունեության տարեկան հաշվետվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.26 հոդվածով: ՀՀ ՊԵԿ իրավաբանական վարչության պետի 10.07.2023թ. թիվ 617119/18 որոշմամբ Նորայր Բլուդյանի նկատմամբ կիրառվել է նախազգուշացում, սակայն վերջինիս կողմից Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասի պահանջները 30 օրվա ընթացքում չի կատարվել, ուստի Վարչական իրավախախտումներ վերաբերյալ ՀՀ օրենսգրքի 169.26 հոդվածի 2-րդ մասի հարուցվել է վարչական վարույթ, որի

արդյունքում՝ 03.11.2023թ.-ին ՀՀ ՊԵԿ իրավաբանական վարչության պետի կողմից կայացվել է թիվ 634951/18 որոշումը:

Դիմում-բողոքով ներկայացված բողոքաբերի պնդումներին անդրադառնալով՝ Հանձնաժողովը հայտնում է, որ վարույթում առկա նյութերի ուսումնասիրությամբ պարզվել է, որ վիճարկվող որոշման կայացման հիմք հանդիսացած՝ ՀՀ ՊԵԿ իրավաբանական վարչության պետի 10.07.2023թ.-ի թիվ 617119/18 որոշումը ուղարկվել է Anahit.madoyan2017@mail.ru էլեկտրոնային հասցեին: Մինչդեռ ՀՀ ՊԵԿ իրավաբանական վարչության պետի 03.11.2023թ. թիվ 634951/18 որոշումը ուղարկվել է kalashyan_l@mail.ru էլեկտրոնային հասցեին:

Հաշվի առնելով վերոնշյալը՝ Հանձնաժողովը գտնում է, որ ՀՀ ՊԵԿ իրավաբանական վարչության պետի 10.07.2023թ. թիվ 617119/18 որոշմամբ կիրառված նախազգուշացման մասին բողոքաբերի կողմից ծանուցված լինելու հանգամանքը չի հիմնավորվում, ուստի ներկայացված դիմում-բողոքը ենթակա է բավարարման:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 43-րդ հոդվածի 1-ին մասի «բ» կետի և 63-րդ հոդվածի 1-ին մասի «ա» կետի դրույթներով դիմում-բողոքը ենթակա է բավարարման:

4. Եզրափակիչ մաս

Ելնելով քննության արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը

ՈՐՈՇՈՒՄ Է՝

«ԼՈՌԻ ՌԵՆԵՍԱՆՍ ԲԱՐԵԳՈՐԾԱԿԱՆ» բարեգործական ՀԿ-ի նախագահ Նորայր Բլուդյանի դիմում-բողոքը բավարարել՝ բեկանել ՀՀ ՊԵԿ իրավաբանական վարչության պետի 03.11.2023թ. վարչական իրավախախտման գործի վերաբերյալ թիվ 634951/18 որոշումը և կարճել գործը:

Սույն որոշումն ուժի մեջ է մտնում իրազեկելուն հաջորդող օրվանից:

ՀԱՆՁՆԱԺՈՂՈՎԻ ՆԱԽԱԳԱՀ՝

12/20/2023

X 

ԿԱՐԵՆ ԹԱՄԱԶՅԱՆ

Signed by: TAMAZYAN KAREN 2612840184

ԿԱՐԵՆ ԹԱՄԱԶՅԱՆ